

# Тосхачнрин Диилвр

Хяру нуудж ирджэх хальмг улс, парть болн правительствд ханлт өргдж, көгши багъ уга, цугъар таньгъчин тосхлт өргджүүлгънд ик байрта кевәр шундж көдлджяцхәнә.

Тедн дунд 2-ч номертә тосхлтин управлень 600-650 шаху көдлмшчнр, өөрхи джилмудин эргид таньгъчин хотл балгъсн—Элстан теегин зүрки болгъдж, цецгрулдж ясрулхин кергт омгта кевәр зүткджяцхәнә. Энүнд 400 куүнә баяртә дундин школ бәргдв. Багъчудин болн комсомольцирин бригадс дунд соцрулдә делгрулдж, цаялгъвин көдлмш зогслтан уга кегдсн учрар, 2-ч номертә тосхлтин управлень август сара зурагъан 185 процент куцав.

Шидрәс 1-д пәтртә—24, 2-д пәтртә—7, 4-д пәтртә—10 болн 8-д пәтртә—12 гермуд бәрлгън дуусгддж олзлгънд өггдхмн.

„СССР-т әмтн баядг гермуд тосхлгъиг делгруллгънә тускар“ КПСС-н ЦК-н болн СССР Министрмудин Советин тогтавриг 2-ч номертә тосхлтин управленә багъчуд болн комсомольцир оньчта гидгәр тосдж, төрскнүрн ирджэх хальмг өрк-бүлмудиг у, сарул герт орулдж, төвкнүлхд үнн седклин үндсәр шунджацхана.

2-ч номертә тосхлтин управленә багъчудин бригадмуд дунд, чидлән нөл уга, таньгъчин тосхлтд улмар шилтдж, август сара зурагъан хойр-гурвин холванднъ куцацхәсн бригадмуд олн. Улгурлхд, Саранговин бригад даалгъвран 294 процент, Куцековин бригад—290 процент, Манджиевин—281 процент, Надбитовин—226 Цереновин—188 процент куцацхав.

Дентилинова Миран штукатурн бригад даалгъвран 258 процент, Попенкон бригад—184, Тодаевин каменщикудин бригад—145 процент куцав. Нань чигн кесг бригад саянә, тоод йовцхана.

2-ч номертә тосхлтин управлень Элст балгъсна көкреш рош дунд хойр давхр, 400 куүнә ормта зунар кино гаргъдг кинотеатр, Коммунальн уульниц—400 куүнә баяртә школ, Полина Осипенко уульниц—520 куүнә баяртә, шаньгъагар сурлг школ бәргдхмн. Ленинск уульниц гурвин давхр гостинц ясгддж бәргдджәнә.

Тосхачнр Алдр Октябрьск социалистическ революцин 40-ч өөн күртл, авсн даалгъвран болзггнъ куцадж, омгта диилврәр байрин өдриг тосдж чидлән арвлл уга көдлдж йовцхана.